



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 5. Varia Gregorii XIII. Papæ diplomata.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI
A.C. 1581.

articulo asserunt hi declamatores, quod non sit permiffum, ut in matrimonii impedimentis præsentibus, & futuris dispensatio a summo Pontifice petatur, cum tunc, si id fieret, illius auctoritas tanquam legitima agnosci videretur, interim licitum dicebant, quod quis Regem pro ejusmodi dispensatione in gradibus per humanas leges nunc prohibitis, ac nulla lege divina reservatis accedat. Denique in quadragesimo sexto admonentur fideles, ne infantes suos longo tempore nisi saltem in magna necessitate Baptismo privent. Postremo atque articulo quinquagesimo Britanniam tanquam proximæ Synodi locum designabant.

§. V.

Varia Gregorii XIII. Papæ diplomata.

Bull. Const.
68. & 69.
pag. 481.

Hoc item anno Domini millesimo quingentesimo octogesimo primo Gregorius XIII. summus Pontifex plura edidit diplomata, quorum primo die trigesima Martii promulgato Christianis morbo pressis inhibetur, ne Medicos secta Judæos, aut Infideles advocent, qui eos inviserent, atque in eorum infirmitatibus curarent, his vero injungitur, ne, etiamsi vocati essent, Christianos infirmos sub ullo prætextu visum

sum eant. Idipsum jamjam a Paulo IV. & Pio IV. fuerat sancitum, Sæcul. XVI.
A. C. 1581. cujus interdicti rationem hanc tradidit, eo quod hi Infideles, ac Judæi nullam rationem habeant illius mandati a summis Pontificibus, ac Conciliis impositi, vi cujus omnes Medici tertia vice infirmum invisere prohibentur, si nondum conscientiam suam a vitæ antea actæ noxis purgaverit. Altera Constitutio die vigesima septima Maji emanata tangebatur Archi-Societatem Beatæ Virginis Confalonis in Urbe Romana erectam, ubi Pontifex fideles hortabatur, ut pro redimendis captivis Christianis, qui apud Barbaros detinerentur, eleemosynas erogare velint: insuper Fratribus indulget, ut in die Beatæ Virginis ad Cælos assumptæ duos in carceribus detentos liberare possint. Tertia Bulla die prima Junii ejusdem anni edita præscribuntur eventus, in quibus hæreticæ pravitate Inquisitores in Judæorum, Infidelium, relapforum, Magorum, Blasphemorum, aliorumque crimina inquirere tenentur. Denique in quarta Constitutione, quæ tertia Novembris die emanavit, de Romanæ Urbis Pistoribus agitur, eisque panis pretium præscribitur, præterea hæredes, ac ultimarum voluntatum executores admonentur, ut mortuis debitoribus Pistores ceteris

Sæcul. XVI. teris creditoribus præferantur, atque
 A.C. 1581. eis præprimis pecuniæ ob concessum
 panem debitæ persolvantur.

§. VI.

Alexandri Sfortiæ Cardinalis obitus.

*Andr. Visto-
 rel. in addit.
 ad Ciac. t. 3.
 pag. 560.
 Aubery vie
 des Cardin.*

Interea eodem hoc anno Sfortia, & Urfinus Cardinales vivis erepti fuerant, quorum primus nomine Alexander Bosii II. sanctæ Floræ Comitis, & Constantiæ Farnesiæ filius, ac proin Pauli III. Nepos erat. Hic percurio studiorum curriculo adhuc juvenis Romanam contendit, ubi primo Vaticanæ Basilicæ Canonicus, & postea Cameræ Apostolicæ Clericus nominabatur, quibus tamen dignitatibus ob triremes, quas ejus Frater reddere apud Centum cellas recusavit, a Paulo IV. spoliatus fuerat, ad non nullorum tamen Cardinalium preces, postquam ejus Frater triremes reddierat, iisdem restitutus est ab eodem Pontifice, cujus gratiam ob pacem, quam Guido Ascanius Cardinalis frater inter ipsum Pontificem, & Philippum Hispaniæ Regem conciliaverat, fuerat promeritus: cum autem anno reparatæ Salutis millesimo quingentesimo quinquagesimo nono tota Italia ingenti annonæ penuria premeretur, Alexander unacum Florentino Episcopo populi necessitatibus succurrere adlaborabat